

古今治平畧

古今治平畧卷之二十八

豫章

弟

 陳夢美父訂

桐溪

鍾名臣出揚父較

邊兵篇

歷代邊兵

戍邊之制古不詳見周以豐鎬迫近犬戎每歲遣戍役命將帥以爲備禦如戒嚴沅城朔方見于小雅者可考然當時戍役不遑防秋率兩期而還春季而往

明年仲冬而歸行有定期至有定所而爲之上者又能悉誠忠愛視民如家人父子之親當其遣也則歌采薇以送之旣激以忘家敵愾之義勗以三捷日戒之功而又道其往來道塗飢渴陽悲之情一一代爲之言以勉其私而慰其意及其歸也則歌出車以勞將帥歌杕杜以勞衆卒而往來感遇黍稷卉木悲傷憂恤之態閨門婦子之情人主慤慤摹寫以致其繼繼無已之意故民雖勞而不怨動至功成迫其後勞休之道漸湮遂皆使其民而以王之爪牙出而成圉

雖獨子不免于是祈父之詩作以王畿之士遠而戍  
申徒知報其私情于是揚之水之刺興降及戰國燕  
趙最被邊患脩禦爲急然當時西備秦東備齊南備  
楚○內○備○韓○魏○千○里○之○國○而○其○四○境○莫○不○皆○有○所○備○則○  
所○以○備○邊○者○安○得○戍○卒○而○用○之○亦○不○過○以○其○沿○邊○之○  
民○自○爲○卒○伍○以○制○其○侵○畧○如○李○牧○守○邊○選○車○得○千○三  
百○乘○選○騎○得○萬○三○千○匹○百○金○之○士○五○萬○人○穀○乃○者○十  
萬○人○而○匈奴○不○敢○南○犯○則○尤○藉○之○于○其○人○也○至○秦○始  
皇○兼○并○天○下○意○廣○心○軼○欲○肆○威○海○外○乃○使○蒙○恬○將○兵○

以北攻胡辟地進境戍于北河蜚芻輓粟以隨其後  
又使尉佗屠睢將樓船之士南攻百越曠日持久將  
卒以戍之當是時秦禍北構于胡南并于越兵不足  
用乃至發謫先發弛刑者次發買人次治獄不直之  
類次隱宮刑徒次以嘗有市籍又其次則人父母父  
母嘗有市籍者先發里門之左各闔左之戍行十餘  
年丁男被甲丁女轉輸苦不聊生自經于道餓死者  
相望蓋天下始畔秦也漢興定制天下人皆直戍邊  
三日亦名爲更律所謂繇戍也雖丞相子亦預戍邊

之調然三日戍不可人人自行又行者既自成不可  
使往返因使留一歲再更之而諸不行者出錢三百  
入官以給戍者是謂過更焉蓋其時既治郡縣之制  
役皆出于民而邊鄙之民不可常使爲兵是以不得  
不驅中原之民迭相更代而納諸塞下以捍寇虜故  
其兵率歲初而來歲終而去緩急未盡得其用文帝  
時晁錯言于帝曰臣聞秦時北攻胡貉築塞河上南  
攻楊粵置戍卒焉其起兵而攻胡粵者非以衛邊地  
而救民死也貪戾而欲廣大也故功未立而天下亂

且夫起兵而不知其勢戰則爲人禽屯則卒積死夫  
胡貉之地積陰之處也木皮三寸冰厚六尺食肉而  
厭酪其人密理烏獸毳毛其性能暑秦之戍卒不能  
其水土戍者死于邊輸者餓于道秦民見行如徃棄  
市因以謫發之名曰謫戍皆發吏有謫及贅僑買人  
後以嘗有市籍者又後以大父母父母常有市籍者  
後人聞取其左發之不順行者深恐有背畔之心凡  
民守戰至死而不降北者以計爲之也故戰勝守固  
則有拜爵之賞攻城屠邑則得其財鹵以富家室故

能使其衆蒙矢石赴湯火視死如生今秦之發卒也  
有萬死之害而亡銖兩之報死事之後不得一算之  
復天下明知禍烈及已也陳勝行戍至于大澤爲天  
下先倡天下從之如流水者秦以威劫而行之之弊  
也胡人衣食之業不著于地其勢易以擾亂邊境何  
以明之胡人食肉飲酪衣皮毛非有城郭田宅之歸  
居也如飛鳥走獸放于廣野美草甘水則止草盡水  
竭則移以是觀之往來轉徙時至時去胡人之生業  
而中國之所以離南晦今使胡人數處轉牧行獵于



塞下或當燕代或當上郡北地隴西以候備塞之卒  
卒少則入陛下不救則邊民絕望而有降敵之心少  
發則不足多發遠縣繞至則刳又已去聚而不罷爲  
甚費罷之則胡復入如此連年則中國貧苦而民不  
安矣陛下幸憂邊境遣將吏發卒以治塞甚大惠也  
然今遠方之役守塞一歲而更不知胡人之能不如  
還當居者家室田作且以備之以便爲之高城深塹  
具藺石布渠答復爲一城其內城間百五十步要害  
之處通川之道調立城邑毋下千家爲中周虎落先

爲室屋具田器廼募舉人及免徒復作令居之不足  
募以丁奴婢贖罪及輸奴婢欲以拜爵者不足廼募  
民之欲往者皆賜高爵復其家于冬夏衣廩食能自  
給而止郡縣之民得買其爵以自增至卿其亡夫若  
妻者縣官買予之人情非有匹敵不能久安其處塞  
下之民祿利不厚不可使久居危難之地胡人人驅  
而能止其所驅者以其半予之縣官爲贖其民如是  
則邑里相救以赴胡不避死非以德上也欲全親戚  
而利其財也此東東方之戍卒不習地勢而心畏胡

者功相萬也。上從其言，募民徙塞下，錯復言古之徙  
遠方以實廣虛也，相其陰陽之和，嘗其水泉之味，審  
其土地之宜，觀其草木之饒，然後營邑立城，制里制  
宅，通田作之道，正阡陌之界，先爲築室，家有一堂二  
內，門戶之閉，制器物焉。民至有所居，作有所用，此民  
之所以輕去故鄉而勸之新邑也。爲置醫巫以救疾  
病，以修祭祀，男女有婚，生死相恤，墳墓相從，種樹畜  
長，室屋完安，此所以使民樂其處而有長居之心也。  
臣又聞古之制邊縣以備敵也，使五家爲伍，伍有長。

十長一里里有假士四里一連連有假伍百十連一  
邑○邑○有○假○侯○皆○擇○其○邑○之○賢○材○有○護○習○地○形○知○民○心  
者○居○則○習○民○于○射○法○出○則○教○民○于○應○敵○故○卒○伍○成○于  
內○則○軍○政○定○于○外○服○習○以○成○勿○令○遷○徙○幼○則○同○游○長  
則○共○事○夜○戰○聲○相○知○則○足○以○相○救○晝○戰○目○相○見○則○足  
以○相○識○歡○愛○之○心○足○以○相○死○如○此○而○勸○以○厚○賞○威○以  
重○罰○則○前○死○不○還○踵○矣○所○徙○之○民○非○壯○有○材○力○但○費  
衣○糧○不○可○用○也○雖○有○材○力○不○得○良○吏○猶○亡○功○也○陛下  
絕○匈奴○不○與○和○親○臣○竊○意○其○冬○來○南○也○一○大○治○則○終

身創矣。欲力威者，始于折膠來而不能困，使得氣去，後未易服也。議行匈奴雖數入，不能爲害。大抵漢時邊戍之兵，則屬門雲中以備北狄，隴西諸郡以備西羌，巴蜀諸郡以備西南夷，遼東燕齊諸郡以備朝鮮。會稽諸郡以備南越，不煩他戍。遠更猶爲近古，而北邊諸郡特藏兵器，西北二邊分養苑馬，邊戍一歲一更，邊吏三歲一代，內郡守丞已耳。邊郡則又有長吏以掌兵馬，內縣令丞已耳。邊地則又有置障塞尉以備守焉。守令歲都試已耳。邊吏則又將萬騎以行障

軍馬以至徙邊之民廩食給衣北邊騎士輅車不算  
屯田之卒則予以犁牛邊民被害則其給其費其恤  
邊民如此丞相東曹實掌邊吏之璫或有冠警則按  
視邊璫而科條之每除邊吏則五府交舉以覈之而  
邊郡長吏得賜武庫兵籌邊上奏則不日報可其優  
邊事如此顧西漢備禦西邊以爲三輔科蔽其法尤  
審與內郡不同蓋自周衰而西方迫近戎狄民習  
備高上氣力漢因其俗取六郡之內騎射異等者謂  
之良家子補羽林期門而名將之選繇此出蓋有以

鞍馬騎射而登將相者然則非但得寓守于邊兵而  
且得寓將于邊地矣非中國制勝之長畧哉東漢之  
興專意文治公卿大夫往往鄙棄勇力是時西邊之  
備虛矣問其牧馬則漢陽一苑之外餘郡無有也問  
其屯兵則平原度遼一營之外餘郡無有也兵馬一  
職無長史農田之職無都護公府辟召皆尚文行而  
西州豪傑不取也期門羽林錢穀入補而黃門鼓吹  
不選也當時邊政若此矣及明帝永平之初大破烏  
桓塞外震恐西自武威東盡玄菟皆來內附野無風

塵乃詔悉罷緣邊屯兵其後以終不可弛又歲募郡國中都官死罪係囚出戍聽從妻子自占以爲常凡徙者皆給弓弩衣糧焉于是北胡有變則置度遼營南蠻或叛則置上林兵羗犯三輔則置長安雍丘二尉鮮卑寇居庸則置漁陽營其後又囚盜作緣海往往增兵而魏郡趙國常山中山六百一十六塢河內通谷衝要三十三塢扶風漢陽隴道三百塢則置屯多矣及至順帝初朔方以西障塞多壞鮮卑以此數侵乃詔緣邊郡增置步兵列屯塞下教習戰射然往



往遣自京師連年暴露而禁旅益虛羌胡之害接踵  
于世雖列屯置塢之多竟何益哉三國交攻時猶隄  
秦之際外夷安得而進三國并而爲晉亦猶六國盡  
入于秦天子復與四夷爲鄰強弱相何而武帝乃撥  
州郡之兵處羌胡于內地宜其元海一起而五胡繼  
繼雲擾卒分南北迭居中土非晉自撤其防又誰咎  
哉

唐代邊兵

唐初邊要州皆置總管府以統數州之兵及太宗平定之後既分天下爲十道而千軍鎮屯戍之兵爲十二道置使以處之總之以都督開府蒞治焉其河北一道則析而爲二曰平盧曰范陽隴右一道則析而爲四曰隴右曰安西曰北庭曰河西而其兵大曰軍小曰守捉曰城曰鎮大者二十餘小者亦不下十餘時府兵天下總六百餘所而在河北者三十在隴右二十九又皆隸于衛將軍所以藉屏捍之勢而防其

尾大之虞○意亦深矣○然說者謂以天下之極邊爲天下之重鎮○而撫之以都督品秩與衛將軍等○在六尚書之上○所謂五大不在邊者○果若是耶○傳至永淳龍朔○又加以節度使之名○天寶之初○又于沿邊置十節度○經畧使以備邊○凡鎮兵四十九萬人○馬八萬餘匹○而安祿山得爲平盧節度使○初自唐興以來○邊帥皆用忠厚○各臣不久任○不遥領○不兼統○功名著者○往往入爲宰相○其四夷之將○雖才畧如阿史那社鸞○契苾何力○猶不專大將之任○及開元中○天子有并吞四夷

之志爲邊將者十餘年不易始入任矣皇子則慶忠  
諸王宰相則蕭嵩牛僧客始遙領矣蓋嘉運王忠嗣  
專制數道始兼統矣及李林甫柄國欲杜邊入湘之  
路以胡人不知書乃奏言文臣爲將性當矢石不若  
用寒族胡人胡人則勇決習戰寒族則孤立無黨上  
悅其言始用祿山至是諸道節度使盡用胡人精兵  
成戍北邊天下之勢偏重于外而祿山不軌之謀自  
此啓矣又開元之前歲貢邊兵衣糧費不過二十萬  
天寶之後邊將奏益兵兵浸多每歲用衣千二十萬

匹糧百九十萬斛公私勞費民始困苦尋至兩京傾覆雖獲底定然方鎮之勢成而愈不可返矣因循至貞元之間邊兵選隸神策行營統于中人益乖舊制且自河隴陷吐蕃以來西北邊常以重兵守備謂之防秋所遣戍者皆河南江淮諸鎮之兵更番往來疲于戍役陸贄以中原之兵不習邊事及捍虜戰賊多有敗衄因上疏曰今者散徵士卒分戍邊陲更代往來以爲守備則是不量性習不辨土宜邀其所不能強其所不欲何者窮邊之地千里蕭條寒風裂膚驚

沙○慘○目○晝○則○荷○戈○而○耕○夜○則○倚○怪○而○覘○地○惡○人○勤○于○  
斯○爲○甚○自○非○生○長○其○域○幻○習○長○安○罕○能○寧○居○而○關○東○  
之○地○百○物○阜○殷○從○軍○之○徒○尤○被○優○養○慣○于○溫○飽○狎○于○  
安○康○比○諸○邊○隅○若○異○天○地○聞○絕○塞○荒○陬○之○苦○則○辛○酸○  
動○容○聆○強○蕃○勁○虜○之○名○則○慙○駭○奪○氣○而○乃○使○之○去○親○  
族○舍○園○廬○甘○其○所○辛○酸○抗○其○所○懾○駭○將○與○爲○用○不○亦○  
疎○乎○矧○有○休○代○之○期○無○統○帥○之○馭○資○奉○若○驕○于○姑○息○  
如○倚○人○進○不○邀○之○以○成○功○退○不○處○之○以○敬○憲○其○來○也○  
咸○負○德○色○其○止○也○莫○有○固○心○至○屈○指○計○歸○張○願○待○倒○

微倖者遇王師之挫傷卽乘亂而東潰○平居則殫耗○資儲以奉浮冗之衆○臨難則拔棄城鎮以拯遠近之○心其弊豈惟無益哉○固亦將有所撓也○復有擁旄之○師身不臨邊○但分偏師○俾守疆場○大抵軍中壯銳元○戎例選自隨○委其疲羸○乃配諸鎮○遂令守要禦衝○常○在寡弱之輩○寇戎每至○勢必不支○入壘者纔足閉關○在野者悉遭劫執○比及都府聞知○虜已克獲○旋返理○兵○若斯○可謂措置乖方矣○夫賞以存勸○罰以示懲○馭○衆而不用賞罰○則善惡相混○而能否莫殊○用之而不○

其功過則奸妄寵榮而忠實擯抑自頃權移于下他  
失于朝將之號令既鮮克行之于軍國之典章又不  
能施之于將務相遵養苟度歲時欲賞一有功讎慮  
無功者反側欲罰一有罪復慮同惡者憂虞罪以隱  
忍而不彰功以嫌疑而不賞姑息之過乃至于是故  
使忘身効節者獲請于等夷率衆先登者取怨于士  
卒債軍蹙國者不懷于愧異緩救失期者自以爲智  
能褒貶既闕而不行稱毀復紛然相亂人雖欲善誰  
爲言之况又公忠者直已而不行求于人反罹困危



敗撓者行私而苟脩下衆例獲優崇又有遇敵而所  
守不固陳謀而其効靡成將帥則以資糧不足爲詞  
有司復以供給無闕爲解朝廷每爲含糊未嘗窮究  
曲直措理者吞聲而靡訴誣善播譖上而不慙馭衆  
若斯可課責虧度矣且屯集雖衆戰陣莫前虜每越  
境橫行若涉無入之地遞相推倚無敢誰何虛張賊  
勢上聞則曰兵少不敵朝廷莫之省察惟務徵發興  
師無裨備禦之功重增供億之弊閭井日耗徵求日  
繁以編戶傾家破產之資兼有司推鹽稅酒之利總

其所入半以事邊制用若斯可謂財匱于兵衆矣今  
四夷之最强爲中國甚忠者莫大于吐蕃舉國勝兵  
之徒纔當中國十數大郡而已然動則懼其衆而不  
敢抗靜則憚其強而不敢侵何哉良以中國之節制  
多門蕃醜之統師專一故也開元天寶之間控禦西  
北兩蕃唯朔方河西隴右二節度而已猶慮權分勢  
散或使兼而領之中興以來未遑外討僑隸四鎮于  
安定權附隴右于扶風所當西北兩蕃亦朔方涇原  
隴右河東四節度而已關東戍至卒則屬焉雖委任

未盡得人而措置尚存典制自頃逆泚誘涇原之衆  
懷光汧朔方之軍割裂誅鋤所餘無幾而又分朔方  
之地建牙擁節者凡三使焉其餘鎮軍數且四十皆  
承特詔委寄各降中貴監臨人得抗衡莫相稟屬每  
俟邊書告急方令計會用兵旣無軍法相臨昭以客  
禮相待是乃從容拯溺揖讓救焚者也建軍若斯可  
謂力分于將多矣理戎之要最在均齊今者窮邊之  
地長鎮之兵皆百戰傷夷之餘終年勤苦之劇角其  
所能則練習庠其所處則孤危考其服役則勞察其

臨敵則勇然衣糧所給唯止當身例爲妻子所分常有凍餒之色而關東戍卒歲月踐更衣糧所頒厚踰數等又有素非禁旅因請遙隸神策其于廩賜之饒還有三倍之益養士若斯可謂怨生于不均矣凡欲選任將帥必先考察行能然後指以所授之方語以所委之事令其自揣可否君親推轂而命之又賜鉶鉞示令專斷誠謂機宜不可以遠決號令不可以兩從未有委任不專而望其克敵成功者也自頃邊軍去就裁斷多出宸衷選置戎臣先求易制多其部以

分其力○輕其任○以弱其心○雖有所懲○亦有所失○夫兩  
軍相持○間不容息○蓄謀而俟○猶恐失之○臨時始謀○固  
已疎矣○況乎千里之遠○九重之深○陳述之難○明聽覽  
之不一○欲其事無遺策○雖聖者亦有所不能○設使謀  
慮能周○其如權變無及○戎虜馳突○迅如風颭○驛書上  
聞○旬月方報○守土者以兵寡○不敢抗敵○分鎮者以無  
詔○不肯出師○逗畱之間○寇已奔逼○託于救援○未至各  
且閉關○自全○互相瞻顧○莫敢遮邀○賊旣縱掠退歸○此  
乃陳功告捷○其敗喪則咸百而爲一言○招獲則張百

而○成○千○將○帥○既○幸○于○總○制○在○朝○不○憂○罪○累○陛○下○又○以○  
為○權○孫○已○不○究○事○情○用○師○若○斯○可○謂○機○失○于○遥○制○矣○  
謂○宜○罷○道○諸○將○士○番○替○防○秋○之○制○率○因○舊○數○而○三○分○  
之○其○一○分○委○本○道○節○度○使○募○少○壯○願○任○邊○戍○者○以○徙○  
焉○其○一○分○則○本○道○但○供○衣○糧○委○關○中○以○東○諸○軍○州○募○  
番○漢○子○弟○願○傳○邊○軍○者○以○給○焉○又○一○分○亦○令○本○道○但○  
出○衣○糧○加○給○應○募○之○人○以○資○新○徙○之○業○又○令○度○支○散○  
于○諸○道○和○市○耕○牛○兼○願○召○工○人○就○諸○軍○城○繕○造○器○具○  
募○人○至○者○每○家○給○耕○牛○一○頭○又○給○田○農○水○火○之○器○皆○

令充備初到之歲與家口二人糧并賜種子勸之播  
植待經一稔俾自給家若有餘課亦官爲收糶各酬  
倍價務獎營田既息踐更徵發之煩且無幸災苟免  
之弊寇至則人自爲戰時至則家自力農是乃兵不  
得不強食不得不足與夫倏來忽往豈可同等而論  
哉當其時岐隴所以可固者以隴山爲阻也昔其林  
比繁故戎不得爲便道後盡于斬伐而蹈者無不達  
且又虛兵號與實十五又有非戰鬪而役入山林伐  
麋鹿蕪廢靡豪豕是徭者居十之三窮竭障芟繁取

材斤聲合叫不息于寒暑是徭者居十之四發奇粟  
金繒文松大梓奇藥珍禽薰臭之具挽轅于陸浮筏  
于渭東抵咸陽入長安部署相屬是徭者居十之二  
其餘兵當守烽擊折晝夜捕候者則皆困于飢寒衣  
食或經皆不賑顧其心怨望幸非常尚能當戎耶初  
時朝政稍舉戎尚不敢東刃今岐隴之士甚饒而農  
食不充耻胥衣結縷無完布其租稅納粟官一而耗  
倍細吏憑法而要賂賂厚者雖逋亦寬之雖粟後至  
必亟與符賂簿者或稽一日卽白吏笞之粟當輸則



日次當某人又當某人故有累日而不得者其他征  
徭倣此農盡所獲不能出其費尚無不忍吏是民繇  
遂息而處又何聊生至于東南背臨邛南馳越二百  
里得嚴道郡實與沈黎越雋俱爲邊城其地西逼于  
戎南逼于蠻當廣德建中開西戎兩飲馬于岷江其  
衆如城前鋒繼踵皆環五屬之甲持倍尋之戟徐呼  
按步且戰且進蜀兵遇鬪如栢橫堵羅戈如林發矢  
如蠆皆折刃失鏃不能斃一戎而况陷其陣乎然其  
戎兵踐吾地日深而沒死者日衆卽自度不能留亦

輒引去故蜀人爲之語曰西戎尚可南蠻殘我自韋  
臯節度劍南始鑿清溪道以和群蠻俾歸蜀而貢又  
擇群蠻子弟聚于錦城使習書算業就輒去復以他  
繼如此垂五十年不絕其來則其學于蜀者不啻千  
百故其國人皆能習知巴蜀土風山川要害文皇帝  
三年南巢果能大入成都門其三門西門而旋其所  
剽掠自成都以南越雋以北八百里之間民畜爲空  
加以敗卒貧民持兵群聚因緣劫殺官不能禁繇是  
西蜀十六州至今爲病自是以來群蠻常有屠蜀之

心居則息商聚聚動則練兵講武而又俾其習于蜀  
者何連帥之間隙察兵賦之虛實或閩蜀之細民苦  
于重征且將啓之以幸非常如此舉大劍以南爲能  
國家所有乎且每發卒以戍南者皆成都頑民飽稻  
飲豕士九如瓠雖知鉦鼓之數不習山川之險其來  
也朔風正嚴緩步坦途日次一舍固已呀然汗矣而  
况淫雨重閉卽嚴程束甲而趨拔戟而闔耶加以爲將  
者刻薄以自入餽餉者縱吏而鼠竊縣官當給帛則  
以苦而易良當賑粟則以砂而參粒如此則邊卒將

怨○禁○之○不○服○又○安○得○殊○死○而○力○戰○乎○此○巴○蜀○所○以○爲○  
憂○也○當○時○孫○權○議○以○爲○孰○若○詔○嚴○道○沈○黎○越○嶺○三○城○  
太○守○俾○度○其○要○害○按○其○壁○壘○得○自○募○卒○以○守○之○具○兵○  
耕○于○郊○則○易○爲○役○卒○出○于○邊○則○習○其○險○而○又○各○于○其○  
部○繕○相○美○地○分○卒○爲○屯○春○夏○則○耕○蠶○以○資○其○衣○食○秋○  
冬○則○嚴○壁○以○俟○其○寇○虜○連○師○卽○能○督○之○歲○遣○廉○自○吏○  
視○其○卒○之○有○無○劾○其○守○之○不○法○者○以○聞○如○此○則○縣○官○  
無○饋○餉○之○費○奸○吏○無○因○緣○之○盜○兵○足○食○給○或○庶○乎○其○  
可○哉○然○大○要○在○于○擇○帥○臣○以○總○之○帥○臣○得○人○則○法○不○

患乎不明兵不患乎不足初馬燧之鎮太原也承鮑  
防之敗兵力衰弱燧募廩役得數千人悉補騎士教  
之戰數月成精卒造鎧必長短之制稱士所衣以便  
進趨爲戰車冒以狻猊象刻戟于後行以載兵止以  
爲陣遇險則制衝冒器用精銳居一年間廣場羅兵  
三萬以是威震北方李抱貞之鎮澤潞也乘戰伐後  
賦重人困軍伍凋剝乃籍戶三丁擇一蠲其徭租給  
弓矢令閑月得介偶習射歲終大較親按籍第能否  
賞責比三年皆爲精兵舉所部得戍卒二萬不廩于

官而府庫實繼甲卒其遂雄山東天下稱昭義步兵  
爲諸軍冠李德裕之帥蜀也當南詔入寇之後踪踐  
千里蕩無孑遺搬炭向新非補緡革不能制一方耻  
乃料擇州兵之任戰者廢遺裨老什三四又請甲人  
于安定弓人于河西弩人于浙西繇是蜀之器械精  
利率戶三取一人使習戰貸他役勿事緩則農急則  
戰謂之雄邊子弟其精曰南燕保義保惠兩河募義  
左右連弩其士曰飛星勢擊奇鋒流電霆聲突騎總  
十二軍而威聲隱然震于西南後宗乾符中崔安潛

古今治平畧

爲西川節度使念蜀兵怯弱奏遣將詣陳許諸州募壯士與蜀人相雜訓練得三千人戴黃帽號黃頭軍又奏乞洪州弩手教蜀人用弩走九而射之得千人號神機營蜀以之強繇是觀之擇帥得人兵不難足但當假以權柄寬其銜勒使盡得心而已

# 宋代邊兵

宋興分遣旅戍守城立更戍法使往來道路以習勤  
苦均勞逸故將不得專兵兵不至驕愒其遣屯者軍  
頭司引見賜以裝錢代還亦入見犒以飲食而簡拔  
精銳退其癯老法初非不善也至其塞下要害之地  
則又往往卽諸部落團結以爲藩籬之兵而西北邊  
羗戎種落保塞者謂之熟戶餘謂之生戶而又常其  
時周李漢超等脩契丹郭進等脩河東董遵誨王彥  
升等脩西羗皆厚之以關市之征饒之以金帛之賜



其家屬之在京師者仰給于縣官貿易之在道路者  
不問其商稅故人皆富厚有餘鬪人之急如恐不及  
是以死力之士貪其金錢捐軀冒難深入敵國何其  
陰計而效之至于入寇輒得先知故其所備者寡而  
兵力不分敵之至者舉皆無得而有喪是以備邊之  
兵多者不過萬人少者五六千人以天下之大而三  
十萬之兵足爲之用景德一年鎮戎軍曹瑋言邊民  
有應募爲弓箭手者皆習障塞蹊隧曉羌語耐寒苦  
官未嘗與以兵械資糧而每戰輒使先拒敵恐無以

責死力請給以境內閒田春秋耕飲田爲出兵後作  
而蠲其租瑋又使之馳射較強家勝者與田二頃再  
更秋獲課市一馬馬必勝甲然後官籍之則加五十  
畝爲之立馬社降者旣多因設堡戍列部伍立巡簡  
以統之百帳以上其首領爲本護軍王次爲指軍使  
又其次爲副指揮使不及百帳爲本族指揮使其蕃  
落將較止于木軍敘進以其習知羌情與地利不宜  
別徙也其後鄜延環慶涇原并河東州軍亦召募至  
治平末河東七州軍弓箭手總七千五百人陝西十

州軍并砦戶總四萬六千三百人仁宗時尹洙上兵  
制疏曰今之戎狄地兼燕涼然疆大之勢未過乎前  
世中國士卒專力武事非若古者籍兵于民農戰兼  
用者也是中國兵勝於古夷狄不勝于古也古者中  
國鞭笞四夷而徭屬者有之給繒帛以懷來者有之  
與之戰或勝或負者有之今厚賂以厭其求惟恐不  
及與之較未嘗一勝焉其故何哉非夷狄之兵強非  
中國之兵弱法制之失也何謂法制之失以吏事而  
制戎事也爲今而言策之長在戰與守策之失在禦

與救廢策之長用策之失所以極敗也。假以虜事言之。若聞其將寇我境。我之大將不計敵衆寡之勢。不論戰運速之利。必分兵禦之。禦之不勝。制令者曰。吾知出兵而已。行者曰。吾知奮命而已。朝廷必薄其責。議者亦置其罪。苟不禦之。雖全其師。朝廷亦薄其罪。退還議者稱其畏懦。此所以必禦之也。若聞一城被圍。不計受攻之急。緩不論城壘之堅脆。必盡銳救之。救之不勝。制令者曰。吾知救之而已。行者曰。吾知死之而已。朝廷必簿其責。議者亦置其罪。苟不救之。雖賊獲

全朝廷咎其不進議者言其坐觀此所以必救之也  
禦與救非將之罪也以吏事制戎事法制之失也或  
曰禦亦戰也禦與救皆爲失策何謂戰爲長策也夫  
禦與救非利戰不得已而戰也非我利則敵之利也  
所謂戰者我利則戰不利則不戰先計而後戰者也  
先計而後戰鮮不勝也不幸而不勝者將之罪也然  
則中國之爲守備久矣何得謂守爲長策而勝不用  
也所謂守者方面之守非一堡一障之守也非尺寸  
之地之守也今敵入吾地不計衆寡利害而禦之敵

圍吾城不計堅脆急緩而救之禦之必敗救之必敗  
兵潰于外民潰于內失所以爲守也守方面者異于  
是使城自守毋望救兵之出蓋兵不出則勢不分勢  
不分則有以待之夫待之者不戰則敵疑亟戰則敵  
懼必戰則敵北能守所以辨戰能戰所以齊守明戰  
守之利而不得志于夷狄者未之有也又論曰今兵  
之利鈍所以與唐世異者唐自中世以來諸侯皆自  
募兵訓練出攻入守上下一志故討淮西青冀滄德  
澤潞之叛以至四征夷狄大率假外兵以集事朝廷

所出神策禁軍不過爲聲援而已故所至多有功今則不然國家患前世藩鎮之彊凡天下所募驍勇一萃于京師雖濱塞諸郡大者籍兵不踰數千每歲防秋則戍以禁兵將帥任輕而勞分軍事往往中御愚謂此可以施于無事時鎮中國服豪傑心苟戎夷侵軼未必能取勝也何則兵主于外則勇主于內則驕勇生于勞驕生于逸夫外所習尚皆疆場戰鬪勞苦之事死生之命制之于將故勇勇而使之戰則多利內兵居京師日享安逸加之以賞賚未嘗服甲冑荷

戈○革○不○知○將○帥○號○令○之○嚴○故○驕○驕○而○勞○之○則○怨○以○之○  
戰○則○多○鈍○若○唐○之○失○失○于○諸○侯○之○不○制○非○失○于○外○兵○  
之○疆○故○有○驕○將○罕○聞○有○驕○兵○今○之○失○失○于○將○太○輕○而○  
外○兵○不○足○以○應○敵○內○兵○鮮○得○其○用○故○有○驕○兵○不○聞○有○  
驕○將○且○唐○之○所○失○者○勢○也○今○之○所○失○者○制○也○勢○也○者○  
不○得○已○也○制○也○者○可○以○爲○而○不○爲○也○然○則○爲○今○之○計○  
當○如○何○曰○稍○革○舊○制○大○募○豪○勇○益○外○兵○之○籍○俾○足○以○  
戰○敵○以○內○兵○爲○聲○勢○重○邊○將○之○任○使○專○一○軍○之○事○而○  
不○得○連○州○郡○之○勢○斯○可○以○獲○近○利○而○亡○後○害○也○後○元○



吳反西事日急慶曆四年范仲淹參知政事上陝西  
守禦疏曰久守之計須用土兵各詣山川習戰鬪此  
之東兵戰守功倍然緣邊次邊土兵數少分守不足  
更當于要便城寨招置土兵若近裏土兵願改隸邊  
寨者卽遷其家園集之何則內諸州土兵多在邊上  
或得代歸營數月之間復出遠戍豈徒星霜之苦極  
傷骨肉之思征夫不保其家娶婦頗多犯法人情不  
免久則怨起如得并遷其家于緣邊住營更番出軍  
父母妻子樂于團聚戰則相救守則相安又緣邊無

稅地所招弓箭手各使聚居險要每一兩指揮共修一堡以全其家與城塞相應彼戎小至則使弓箭手與諸塞士兵共力捍禦彼戎大舉則二旬之前必聞舉集我之次邊軍馬盡可旬呼駐于堅城以待敵之進退緣邊山坂重複彼之重兵必循大川而行先求疾速俟其得勝使我師沮而不出方敢散兵虜掠過越險阻更無顧慮我若持重不戰則彼之重兵行川路中糧草無所給牛羊無所獲不數日人馬困斃彼之重兵更不敢越險又未能決勝必不得已而散兵

虜掠我于山谷村落中伏精銳以待之彼散掠之兵  
輕而寡弱可擊可逐使散無所聚不得戰欲長驅  
深入我則使諸將出奇兵以躡其後欲全師以歸我  
則使諸城出兵以乘其弊此守策之要也其攻策曰  
常計陝西四路之兵數幾三十萬非不多也然各分  
守城塞故每歲戰兵不過二萬餘人坐食芻糧不敢  
舉動歲歲設備常如寇至不知賊人之謀果犯何路  
賊界則不然種落散居衣食自給忽爾點集併攻一  
路故犬羊之衆動號十餘萬以我分散之兵拒彼專

一之勢衆寡不敢遂及于敗且彼爲客當勞而反逸  
我爲主當逸而反勞我若復用此計彼勞我逸則取  
勝必矣請于卹延環慶浮原路各選將佐三五人使  
臣一二十人部兵二萬騎兵三千以爲三軍以新定  
陳法訓練歲餘候其精勇然後觀賊之隙使三軍互  
掠于降者厚賞各令安土拒者併兵急擊必破其族  
若卹一軍先出賊必大舉來應我則退守邊塞或據  
險要不與大戰不越旬日彼自困弊勢將潰歸則我  
環慶之師復出焉彼若再圖點集來拒王師則又有

涇原之師乘間而入彼則奔命不暇部落携怨則我  
兵勢自振三五年間山界可以取此春秋時吳用三  
師破楚之策也蓋自咸平景德以來契丹內侵繼遷  
叛逆每有警急將帥不問得失輒請益兵于是招募  
日增而兵額之多遂倍前世其實元慶曆之間復使  
諸道縣民爲兵而沿邊所屯至八十萬自是天下遂  
以百萬爲額後雖事息而關中之兵至二十八萬舉  
雍熙天下之衆適以脩其後關中一隅之用所以兵  
益多糧益困國用益不足而其中尚半屬老弱怯懦

之人遇敵則先自敗亡。適所以爲驍壯者之累。是故驍壯者不揀練。則兵殆。老弱怯懦者不抑去。則費。居費廣。則民罷。民罷。則不自愛。以殆兵衛。不自愛之民。豈可久乎。且舉中原之士而屯之于邊。雖無死亡。然關之患。而其心常自以爲出征行役。衝寒暴露。爲國勞苦。凡國家之所以美衣豐食。以養我者。正爲此等事也。夫人之情。常已用其力。則其心自滿。而不復求報。其上無求報之心。則不可與之犯大難。而涉大勞。惟其飽食而無所試。優游無爲。以觀夫人之成功。而

不得自效者則其氣剛銳而不倦○今皆端坐而食不  
知行陣之勞○不見鋒刃之危○而皆已自負以爲有勞  
于國○其勢不可復使此其弊在于使之不得其道也○  
夫天下之兵莫如各居其鄉○安其水土○而習其險易○  
而特病其不知戰○故當時之患患在不教鄉兵而專  
任屯戍之士○爲抗賊之備○且天下治平○非公邊之郡  
則山林匹夫之盜○及其未集而誅之○可以無事于大  
兵○苟其有大盜○則其爲變固亦非戍兵數百千人之  
所能制○若其要塞之地○不可無備之處○乃當厚其土

兵以代之耳。神宗嗣位，軍政多所更革，熙寧初嘗與輔臣論河北守備。韓絳等曰：「漢唐重兵皆在京師，其邊戍裁足備守而已。故邊無橫費，強本弱末，其勢亦順。開元後有事，四夷權臣皆節制一方，重兵垂于西北。天寶之亂，繇京師空虛，賊臣得以肆志。故也。帝曰：『邊上老人亦謂今之邊兵過于昔時，其勢如倒置。』浮圖朕亦每以爲念。三年詔諸路戍兵畸零不成部伍，致乖紀律，或互遣郡兵更相往來，道路艱梗，宜悉罷之。而知定州滕甫言：『河北州縣近山谷處，民間各有



弓箭社及獵射人習慣便利與夷人無異宜令長吏招募使自爲之社而歲春就閱視之可代戍兵以省邊費秦鳳經畧李思忠亦言前築熟羊等堡募蕃部獻兵置弓箭手今當置屯列堡爲戍守計而置屯之法百人爲一屯授田千旁寨以將較領農事休卽教以武技器具旗鼓悉出于官置堡之法諸屯并力自近及遠築堡以脩寇至退則悉出掩擊誠戰守兩登之計也從之尋卽延路趙嵩以其地畝五千九百頃募漢蕃弓箭手四千九百入帝加嘉其能省募兵之

費褒賞之而尚言弓箭手頗習武請更蕃正兵  
師詔審度焉已又詔熙河以公田募弓箭手其勞塞  
民強勇願自占田出租賦聯保伍或義勇願應募或  
民戶願受蕃部地者聽六年帝謂輔臣曰洮西香子  
城之戰官軍貪功有斬巴獐角部蕃兵以效級者人  
極嗟憤昔李靖分漢蕃兵爲一隊無用累于紛亂王  
安石進曰李靖非素附循蕃者也故其教兵當如此  
熙河蕃部皆爲我用則當稍以漢法治之使久而與  
漢如一武王用微盧彭濮人但爲一法令蕃兵稍與

漢同與蕃賊異必先錄用其豪傑漸以化之此用夏  
變夷術也帝乃詔王韶議其法帝曰岷河藩部族帳  
甚衆儻撫御咸得其用可以坐制西夏亦所謂以蠻  
夷攻蠻夷者也陝西極塞備會合訓練爲兵之勢以  
恢敵人彼必隨而聚兵以應我頻年如此自致困弊  
兵法所謂佚能勞之者也安石對曰朝廷當先爲不  
可勝聚糧積財選兵而已新附之羌厚以爵賞收其  
豪傑賜之堅甲利兵以激其氣使人人皆有趨赴之  
志待我體強力充鼓行而西將無不可者馮京王珪

曰、儻如聖策多方以誤之、彼旣疲于黠集而我無攻、  
取之實久之必不我應、因爾舉兵若陷無人之境矣、  
帝曰、此正晉人取吳之策也、夫欲經營四夷宜無先  
于此矣、帝嘗謂蕃部未嘗用兵、恐以虛名內附、臨事  
不可使安石對曰、剛克柔克、所用有宜、王韶以爲先  
以恩信結納其人、有強梗不服者、乃以殺伐加之、大  
抵蕃部之情、視西夏與中國形勢強弱爲向背、若中  
國形勢強、附中國爲利、卽不假殺伐、自當堅附、矧蕃  
部之俗、旣宗貴種、又附強國、今用未征貴種等三人、

又稍以恩信收蕃部則中國形勢愈強恐不服殺伐而所附蕃部自可制使帝以爲然是時王韶拓熙河地千二百里招附三十餘萬口安石奏曰今以三十萬之衆漸推文法當卽變其夷俗然韶所募勇敢士九百餘人耕田百頃坊三十餘所蕃部旣得爲漢而其俗又賤土貴貨漢人得以貨與蕃部易田漢人得田蕃人得貨兩得所欲而田疇墾貨殖通藩漢爲一其勢易以調御請令韶如諸路以錢借助收息又捐百餘萬緡養馬于蕃部具什伍其人獎勵以武藝使

其人民富足士馬強盛奮而使之則所向可以有功  
今蕃初附如洪荒之人唯我所徇而已自是以後蕃  
部益衆而方箭手多蕃兵矣元豐時呂大忠疏曰天  
下之患終在腹心而始在邊鄙邊鄙之患輕在禦敵  
而重在養兵雖然邊不可不防兵不可不養獎之甚  
者則宜更之患之大者則宜消之必使天下并牧其  
地伍兩其民無事則耕有事則戰是臣之願也未可  
遽行如漢之屯田唐之府兵亦足爲善法而不能盡  
用則今日養兵終危道也危道之中又有甚焉以疲

弱失教之兵○置之極寒不毛之地○日耗貴直之粟○歲  
勞輓運之力○寇小至則不足與較○而強較之寇○至大  
則不能以支○更求益兵而申其致師之計○則足以有  
限之財○供無涯之費○非徒費也○又將起腹心大患○豈  
非危道之甚者耶○不知今日之塞戶○近于屯田○今日  
之義勇○近于府兵○如廣募而精教之○以銷禁兵之弊○  
一塞戶之勇○過于禁兵十人○五義勇之費○不敵禁兵  
一人○以此救之○養兵大費已省其半○且自古及今○有  
一國當一邊○一州當一道者○祿賞自足○未聞取備于

內也。秦漢之際，一燕一代自當匈奴。本朝之初，慶州姚內斌雄州李允則自當一道。此無他，兵精而無冗食也。時使而不久戍也，嚴險其壘而不多畱也，通其互市以致州粟也，多置屯田以息遠餉也，廣募土人以減禁旅也。凡此者，雖非先王之法，不猶愈于今日之弊哉？元祐八年，知定州蘇軾奏祖宗來沿邊要地更屯禁旅，止以壯國威而消敵謀爲之虛聲，而實無所用。蓋禁軍驕惰日久，贍力憊劣，近戍短使輒與妻孥泣別，被甲持兵數十里而趨，卽喘急汗流，設令進



取深入鋒交陣薄彼豈能任哉故量錯與漢文畫備  
邊之策不道二事徒遠方以實空虛制邊縣以備守  
禦而已寶元慶曆中趙元昊反屯兵四十餘萬皆不  
得其用惟范仲淹劉滄种世衡專務輯番漢熟戶片  
箭手封殖砥礪藩維以固元昊求臣今河朔西路被  
邊州軍百姓自相團結爲弓箭社不論家業高下戶  
出一人又自相推擇家貲武藝所衆服者爲社頭社  
副錄事等目出入山坂飲食長技與北虜同私立賞  
罰嚴于官府分番巡邏鋪遞相望遇有警急一鼓而

集者頃刺千人蓋親戚墳墓所在人自爲戰之道也  
虜甚畏之先朝名臣帥定者如韓琦龐籍皆加意相  
循而終又增損其約束賞罰請責而行西北邊賴之  
後兼文保甲覆有召集追呼之擾勞費失業今雖名  
存責其實用不啻往日竊謂陝西河東弓箭手皆官  
給良田以備甲馬今河朔弓箭射皆人祖業田產官  
無絲毫之損而損軀捍邊與陝西等無異苦樂相遠  
未盡其用近日真勦北賊之警官吏拱手相視無如  
之何以驗禁軍弓手皆不得力向使逐處皆有弓箭

社人戶致命盡力則北賊豈敢輕犯邊砦如入無人之境哉宜少賜優異明設賞罰以示懲勸奏凡兩上而皆不報惜哉善乎蘇頌演之言曰今世之強莫如沿邊之士人而惰兵莫如內郡之禁旅往者羗人每出聞多禁軍輒束手相賀聞多土兵輒相戒不敢輕犯然則以實計之士兵一人其材力足以當禁軍三人而禁軍一人其廩給足贍土兵三人使禁軍萬人在邊其用不能當三千人而常耗三萬人之蓄孰若漸益土兵而罷禁軍勿戍戍不爲費省而用當哉南

渡以後以江淮爲邊境李綱請于沿江淮河帥臣置  
水兵招善舟楫者充立軍號曰凌波樓船軍又請以  
河北河東之地建藩鎮立豪傑使自爲守朝廷量以  
兵力援之而于沿河沿淮沿江置帥府要郡以控扼  
修城池脩器械屯兵聚糧堅壁清野教車戰以禦其  
奔衝習水戰以擊其濟渡使進無所掠退不得歸則  
其勢必不敢深入矣其後楊萬里論曰昔田單以掘  
冢募激齊人而破強燕周德威以土兵據險而制契  
丹宋初以河北鄉兵而備北虜蓋以國守邊不若以

邊守邊何則人自爲守也夫人自爲守者守不以城  
人自爲戰者戰不以兵守不以城者以人爲城也戰  
不以兵者以心爲兵也彼民不臨危必不肯違其安  
民不見死必不肯捐其生以不危不死之民而望之  
以不安不生之事此石晉之鄉兵所以擾民而無用  
歟雖然懲石晉之不得其用併與其有用者棄之則  
又過矣嘗觀班固山西出將之說以爲隴西諸郡迫  
近羌胡民習戰備故風聲氣俗高尚武勇此說得之  
夫山西出將非天也地也地迫于夷狄而民習于戰

備則何地不山西哉。或曰淮民之脆非山西比也。是  
不然。宋武帝之取關中非借兵于西也。陳慶之之取  
河南非募衆于此也。兵豈有常地哉。顧所用耳。豈點  
布之兵能使高帝亦避其鋒。非淮人耶。李陵與奇材  
劒客。蹠血虜廷。非楚人耶。而可謂其脆也哉。昔周世  
宗之侵唐也。淮之民方苦于唐政。而小民相與聚山  
澤。立堡壁。以農器爲兵。以楮爲甲。而周師屢爲所敗。  
唐地多所爲。復當時謂之白甲軍者是也。夫民苦于  
主。而猶能拒敵。况愛其主者耶。百人操兵而攻一虎。

者虎勝一夫荷鋤而遇一虎者人勝非百人之弱而  
一夫之強也。鬪而得地者勝不得地者敗。曷謂地死  
是也。地有所必死則勢有所必奮。勢有所必奮則鬪  
有所必力。一夫者居必死之地此其所以必生也。彼  
百人者旣以生地自居矣。焉得勝。故古之善用兵者  
以死求生而不以生求生。邊地之民亦死而求生者  
耶。故卽民爲兵行于內地則逆行于邊地則順。自官  
行之則擾以私行之則樂。行之于官則敵必疑行之  
于民則敵不知其所窺。今誠使綠淮郡縣不禁土豪

之聚衆挾兵而又陰察其才且強者禮而厚之時有  
以蠲其征徭或因使之際盜而拍一官以報其功底  
幾邊民之樂于戢一旦有急敵人亦奚敢南下也哉  
自隆興以後至于寶祐景定間江淮沿流堡隘相望  
守禦益繁民勞益甚迨咸淳末廣東籍蛋丁閩海拘  
船舶民船公私俱弊矣



國朝邊兵

國朝每邊各練以城堡限以垣墻足以兵食統以大將副以偏裨監以憲臣鎮以開府縣以總督其原額官軍共八十六萬五千二百餘名馬三十九萬七千餘匹官軍之外有募訓兵焉或募土著或募民兵或各將領自募家丁者也保定有達軍焉達軍者內附夷人以其生齒日繁驕悍成風又有無賴窟窟籍縣差冒糧之徒一體練操聽調者也甘肅有土軍焉土軍者出自壯浪以其族類日多土官不能制務嚴加訓

練就我約束者也。創遼保宜。大山西有車營兵馬車  
營兵者。始于平賢于謙。倣武剛偏廂之制。藏輜糧給  
火器以備防禦者也。又有入衛兵馬入衛兵者。因  
嘉靖間虜犯京輔。徵各鎮精兵入衛。創鎮今沿革不  
一者也。又有班軍馬班軍者。大寧山東河南都司每  
衛分春秋二班上邊防戍者也。總之。主客兵不下百  
萬糧芻之費亦不貲。而各鎮武臣有鎮守有分守有  
協守。又有提調巡視備禦總兵等官。皆因事設職。  
國初兵事專任武臣。後常以文臣監督。重者曰總督。

次曰巡撫或提督又有兵備副將兼屯鹽課互市總  
衛所撫番夷皆分委任而專成○功○焉○大○都○我○朝○邊  
臣○有○唐○之○節○度○而○無○其○強○有○宋○之○宜○撫○而○非○其○弱○用  
能○使○大○小○相○維○犬○牙○相○制○無○事○則○蓄○地○防○守○有○事○則  
犄○角○應○援○壯○哉○天○造○人○謀○固○於○盤○石○豈○非○萬○世○長○久  
威○嚴○之○業○哉○但○承○平○既○久○舊○制○漸○淪○馴○至○土○木○之○難  
於○是○正○兵○不○足○日○事○調○募○而○天○順○初○遼○東○至○北○肅  
邊○民○有○強○壯○願○報○效○者○募○爲○土○兵○收○附○近○衛○所○給○與  
資○械○秋○冬○操○練○春○夏○務○農○而○免○其○稅○差○以○供○給○之○則

土兵始此矣。成化中延安之緩葭慶陽之寧環皆  
選民丁之壯者編成什伍委官訓練則土兵益盛矣  
嗣後又增鎮守中官而邊政愈散漫無紀至正德  
七年巨寇劉六猖獗時獻帝嘗托言京軍不習戰  
陣欲調宣府邊軍三千入衛京師而以京軍如數  
戍邊每歲春秋番換如班荆例上遣司禮監與谷  
大用至閣議大學士李東陽力辨以爲不可大用等  
謂此事非我輩所爲自有先入之言牢不可破盡姑  
試之以俟再議東陽曰某等職在論思頃聞國計知

其不可若勉強曲從卽有後患獻計者不知何在而  
執筆者固存國事一壞雖死何贖往返再日乃具揭  
帖畧陳其故曰宣府京師北門切近胡虜最爲緊  
要朝廷屯宿鎮兵分地防守尚恐不給每年河南  
等處軍輪班備禦近因劉賊倡獫動調官軍乃一時  
權宜亦非得已况今正防冬之時縱使京軍在彼徒  
爲勞擾亦難有濟百餘年來未嘗有此恐傳聞四遠  
未免驚疑臣等不敢輕議如謂聖駕看牲在邇欲  
比常加意竊見總兵卻永見在滄洲宜令兵部審

切行文暫帶領邊軍近京住劄事畢之日仍令還鎮  
庶事體便宜人心安靖乃卜兵部會議兵部始以爲  
可行及聞閣議乃知衆論多未協者覆議至再皆云  
不可而內意已定司禮監文書官迫今擬票云上  
坐乾清宮門必欲今夜批出東陽等乃具題極言其  
不便曰京邊官軍各有分地必有急事乃可互相應  
援今無事而動一不便也京軍備邊不習戰陣難保  
必勝恐傷國威二不便也京軍出京駭人耳目傳聞  
各處未免驚疑三不便也京軍在外倚勢需索將官

護短而不肯禁邊方受害而不敢言四不便也邊軍  
在內狎恩恃愛傲睨軍民蔑視官府小則怠玩大則  
違法治之則或不能堪縱之則愈不可制五不便也  
遠遼鄉井拋棄骨肉或風氣寒煖之不相宜或資糧  
供給之不相續六不便也糧草之外必有行糧布花  
之外必須賞賚非驟急不得已之時爲糜費無極之  
計七不便也往來交錯日無寧息倉卒之際或變起  
于道塗厭倦之餘或患生于肘腋八不便也示京營  
之虛空見中國之卑弱九不便也西北諸邊見報聲

息唇齒之地正須策應脫有疎失咎將誰歸十不便也凡此一事不便者有此數端若阿諛曲從誤國之罪萬死不能塞責矣不聽翌日竟內降行之大同遊擊江彬等由是得入京彬遂得寵於上至嘉靖庚戌之變總兵仇鸞請選各邊銳卒入衛京師而宜大二鎮共選若干人分爲四部令歐陽安統之兵部言二鎮京師門戶禦寇不干門戶乃縱之入而與之格鬪堂奧之間豈可謂得策乎不聽於是各邊共選六萬八千餘人班上京師與京營兵雜練之



薦復上議大舉北伐先遣京營諸將分詣各邊訓練  
士卒以待師期於是邊兵盡隸京師塞上有警邊  
師不得徵集而京師在邊者又恣意凌轢腹剝自  
營且不任邊責而國勢危矣已而延綏巡撫王鞠言  
陝西四鎮邊儲自嘉靖十年查覈今經二十餘年  
士馬日耗糧餉日增如延綏鎮舊設六萬六千餘名  
今止五萬餘名馬二萬九千餘匹今止一萬三千餘  
匹歲用五十六萬有奇計浮費一十四萬寧夏甘肅  
悉稱是焉求其增費之源與耗散之弊有逃亡倒失

滕朧濫支此破冒積習之弊。通負侵沒。因緣爲奸。此徵解積習之弊。報警則以小爲大。出師則以少爲多。地里遠近。日期先後。或可緩先發。或應掣故留。此征調積習之弊。使車實繁。有徒供給饋遺。冒支儲胥。此支放積習之弊。夫額外之費。旣已日增。法外之奸。從而日蠹。卽蜀內地之時。以供邊。愈加而愈不足矣。初祖宗之時。只有調土兵赴各省殺賊之例。未有調邊兵入內地者。正德間。流賊猖獗。始調許泰、卻承等領邊兵殺賊。繼而江彬統宣大兵扈

武宗南巡

識者憂之。隨有大同叛賊之變。庚戌後仇鸞奏遣四御史分往各邊選兵入衛。每歲兵十八枝。鸞自領防護京陵。猶未寸薊鎮也。至何棟任總督。奏薊鎮選兵馬未完。暫借二枝防守。待薊兵練完撤還。至王忬却將邊兵盡調赴薊鎮。分布擺守各牆。又將遼東全鎮兵馬盡調入關。以致賊乘虛入邊。搶殺一空。調兵之害如此。世宗曾因部臣言一詔薊鎮練兵分區以守。今八年矣。一卒不練。每遇防秋。不過多調邊兵。此豈遠謀。令兵部詳議。議上復詔薊鎮不遵。

昔練兵而止特調兵倖虜不至輒相玩怠今諸兵頻年遠戍人情不堪糧餉多靡歲復一歲何時而已該鎮原分各區人馬兵部可遣郎中一人與巡關御史備閱兵數多寡操練與否限一月還報自是虜患日迫諸鎮兵不支每歲徵客兵爲援而客兵苦徵發爲費復不貲當事者建議各練本鎮戍卒省徵發費十之六七上從之勅各鎮遵行然戍卒多選悞不在戰歲練一費萬金而臨事徵發如故給事中葉鏜言今之談邊事者無不出修邊召募兩端然自有虜患

○才○當○日○諸○臣○建○議○修○邊○耗○費○帑○藏○無○算○而○虜○入○不  
能○捍○禦○虜○退○不○能○邀○扼○邊○圻○果○足○恃○乎○沿○邊○衛○所○軍  
有○定○額○皆○計○口○給○糧○軍○亡○而○額○存○可○以○勾○補○額○虛○而  
糧○存○可○以○召○補○今○悉○置○不○理○而○徒○以○召○募○充○數○尤○爲  
失○策○請○自○今○稍○節○修○邊○冗○費○爲○養○軍○賞○軍○之○資○罷○擺  
邊○軍○士○爲○稍○探○守○堡○之○用○仍○備○查○各○邊○軍○原○額○之○數  
汰○去○老○弱○簡○精○壯○者○更○代○則○召○募○可○無○行○而○邊○備○自  
實○矣○  
隆慶初山西巡撫靳學顏言今虜視邊兵易  
與耳然邊兵則猶有戰時而以殺人爲樂盜馬斬級

之事接踵見焉不獨邊兵雖邊民亦有奮死而一躍者何者彼固習見而數嘗之是以邊兵則易腹兵腹兵則易京兵京兵則易南兵謂其終世皆不嘗寇不足恃也臣每見海內有寇其將非陰翳雜職則丞貳判簿其兵非鄉夫里保則義勇快壯而額設之兵固不可用往時流賊起霸州無幾豎子耳幾舉中原之衝所而不能當至不免于邊軍之調嘉靖中年倭寇發海上五十餘人耳轉掠十餘府至應天門外而四十八衛老無一人出撓其鋒卒見夷于淮陽民兵

之手此其明驗也然臣非謂盡去腹內之兵謂既各  
以兵當責以實欲責以實當試以戰欲以戰當限  
以輪番戍守之法彼其或遠而不可使或弱而不願  
戍則優其身以自便而移其食以解邊有事則拔籍  
而徵之而饋餉一出于官無事則任其自便而耕商  
無異于民要之無事時多有事時少則名籍屯政在  
居部署固在也二年總督薊遼譚綸言遊兵破虜誠  
爲制禦長策而行之有四難制虜長技非車不可召  
募強壯歲費甚多司農告匱一難也燕趙之士自備

虜以來銳氣幾盡募卒吳越又疑用之不可北散之  
不可南二難也燕趙之人素懷驕悍驟見軍法不無  
大駭且去京甚近流言易生三難也我兵素未當虜  
戰而勝之虜不心服能再破之終身創矣第懼忌嫉  
易生奇禍或至四難也不若姑就薊鎮見兵講求戰  
守之策各路選兵十枝每枝務足三十列爲三營營  
分三軍各加訓練仍付戚繼光以理練兵之職每春  
秋兩防三營之兵各移近邊臣與繼光往來督勵務  
各負塹以戰過之邊外此爲上策萬一乘鋒潰入亦



願少追罪誅臣等決一死戰收桑榆之功亦不失爲中策若先事不能禦後事不能戰掩取微功苟圖塞責是謂無策又言薊鎮專用主兵將以罷調客兵今行之未效者任未專也宜責臣綸與戚繼光使專董其事勿使巡按巡關與其間俟三年補練有成然後遣官閱視補得主兵幾何卽罷調客兵幾何報可已而部院覆言補練責之總督所以重事權閱視聽之憲臣所以稽實效彼此各不相妨宜令協恭和衷共濟國事而綸與戚繼光必稍寬以文法乃得自展

上然之命悉以兵事付綸御史每歲一巡視三歲一報功其餘將官並聽舉劾如故三年總兵戚繼光言薊鎮兵雖多亦少之原有七不練之失有六雖練無益之弊有四何謂雖多亦少薊兵不習戎事而多執末技壯者役于將門老弱僅以充伍一也邊關逶迤既鮮驛遞使者絡繹將士逢迎是叅遊如驛使營堡皆傳舍二也賊至則調遣無法遠道赴期卒斃馬僵不救于事三也達軍邊軍之戍邊者散漫無統約束不明行伍不整四也臨陣馬軍不用馬而反用步五

也。家丁盛而軍心離六也。乘障卒不擇衝緩。衝多而力分七也。何爲不練之失。虜之所至無常。諸將不能分身隨禦。恃乘障卒耳。然恩威號令素不足以服懾其心。分數刑名數不足以稽齊其力。故緩難使一也。有火器而不能用二也。棄土著而不練三也。入衛之卒嫌于非屬。無有紀律四也。順天等八府之官軍民兵四萬人各一心五也。將以驍勇爲上。然驍勇者一人敵耳。將旣不練。何以練兵。方今注意武科。多屬保舉。似矣。此選將之事。非練將之道六也。何謂雖練無

益夫射打者軍中之事。今徒有虛聲而實未中的。且一營之卒爲銃手者常十七。不知法。五兵當長以衛短。短以救長之數一也。三軍之士各專其藝。金鼓旗幟何所不蓄。今皆置而不問。二也。弓矢之力不強于賊。而與賊共之三也。教練之法自宜正門美觀。則不實用實用則不美觀。而今無其實。四也。臣又聞兵形象水。水因地而制流。兵因地而制勝。薊之地有三平易。交衝內地。百里以南之形也。半險半易。近邊之形也。山谷狹隘。林薄翳翳。邊外之形也。虜入平原。利于

車戰。虜在近。邊利于騎戰。虜在邊外。利于步戰。三者  
迭用。乃可制勝。迺邊兵。惟習馬耳。未聞山戰谷戰。林  
戰之道。惟浙兵能之。願更予浙兵。殺手三千。烏銃手  
三千。或于西北募召。或于薊鎮鎔取。須足馬軍十枝。  
專聽統領車騎合練。軍中所需。皆宜處給。疏奏。于是  
改繼光總兵鎮守薊州永平山海等處。奏內事。宐除  
南兵勿調。餘悉下督撫詳議。以聞。三年。大學士張  
居正奏。當今之事。可慮者。莫重于邊防。然虜如禽獸。  
然不一創之。其患不止。但戰乃危事。未可易言。須從

容審圖以計勝之耳。今之上策莫如自治而其機要  
所在。惟在皇上赫然奮發先定聖志而後懷忠  
繼謀之士得效于前矣。今譚者皆曰吾兵不多食不  
足將帥不得其人臣以爲此三者皆不足患也。夫兵  
不患少而患弱。今軍伍雖缺而糧籍具存若能按籍  
徵求清查影占隨宜募補着實訓練何患無兵。捐無  
用不惡之費併其財力以撫養戰鬪之士何患無財。  
懸重賞以勸有功寬文法以申解嚴則忠勇之夫孰  
不思奮又何患于無將。臣之所患獨患中國無奮勵

激發之志因循怠玩姑務偷安則雖有兵食良將亦恐不能有爲耳故臣願皇上急先自治之圖堅定必爲之志屬任謀臣修舉實政不求近功不忘有事熟計而審行之不出五年虜可圖矣至于目前自守之策莫要于選揀邊吏團練鄉兵併守墩堡令民政保時簡精銳出其空虛以制之虜即入犯亦可不至太失此數者雖已經議行恐人心玩愒日久漸以虛文塞責宜申飭著實舉行俟秋防畢日嚴覈實效大行賞罰庶沿邊諸郡在在有備而虜不敢窺也兵部

覆議言今足兵之策不過勾補團練而已。祖宗朝  
九邊兵以百萬計尚存六十萬有奇其變者若能  
設法清補原額亦可盡復至于團練之法當今各鎮  
編見在軍士隊伍立長擇師教以武藝兵備季一閱  
視報督撫督撫歲一閱視報本部凡將領點陟視此  
爲差隊伍中罪罰及其長賞如亦之且兵與食相爲  
表裡元兵汰則冒替之糧減主兵練則客兵之餉省  
我兵能戰而虜一遭挫必數年不擾則行糧可免虜  
既遠遁則我之威力能制屬夷之死命而撫賞亦可



龍是足食之方已寓練兵之中矣至于興屯鹽以復  
本色視豐歉以爲折支又在戶部酌計而施行之也  
若乃將難得亦難任今邊臣莫肯效死者弊在操功  
太過爵賞太輕請令督撫兵部官一切開外之務悉  
聽總兵而下自擇進止不得拘以文法各官果見奇  
功卽超格封拜亦不得指擿小疵率解論劾至于九  
邊控絃之士雖稱六十萬有奇然更兼萬里力分勢  
弱難以禦敵請凡沿邊郡縣不分城市村堡軍餘民  
舍皆例爲鄉兵如邊軍隊伍之制十隊爲司司有長

副十司爲哨哨有總正其村堡寡不及數者止五十  
人爲一隊每堡設一長副領之各不防農務隨時訓  
習歲以冬春按視有勞量加獎賞遇有虜報則督撫  
移檄各率鄉兵築城防守斬獲者照例陞賞雖無斬  
獲而守防無失亦量犒之得旨悉如議實行四年  
御史劉翽言頃見延綏下班軍十車所載生居其二  
而餽居其一士者頗速憔悴而泣訴曰行糧月糧  
朝廷所以養吾輩者非不厚也年例新增兵部所以  
給發者非不時也木色折色督撫所以憑冊報者

非不足也。然而下情不通。頃至弊困者。一過于倉積  
之常例。而支放愆期。再漁于將領之使用。而扣克無  
度。三觸于家丁之抑勒。而額外取盈。四害于主兵之  
好逸。而分罷于極衝無暇之地。五迫于修邊之太急。  
而督責以緊關難效之工。六害于散放之太遲。而跋  
履于暑雨怨咨之日。枵腹以稱戈。裂帛以荷倦。故困  
踣至此。推之他鎮。無不皆然。宜亟建防禦之目。立爲  
議處。而都御史葛守禮亦言。國初制虜內峙雄關。  
外聯重鎮。犖然天府之固也。自大寧內徙。京師遂

露左肩所恃。彛顏三衛爲我。務離而夷情漸異。嚮道  
交通。于是虜日窺邊。登陴戍守。遂無寧日。始以倉卒  
至。調陝西客兵。謂旋練土兵。卽當遣還。今十年矣。土  
兵之練。何在。秦兵未遣。而越兵未來。山東義勇以防  
秋。至。豈土兵皆不可用乎。宜倣唐土兵之制。隨地訓  
習。以備戰守。毋徒調掣爲也。章下。所司于是。令各  
遣兵入衛。衛鎮者。卽以掣兵之日。放歸。不置。備冬春  
云。

國初大同糧料俱係山西布政司供給 永樂

十九年方起備軍夫于京倉運送糧料二十萬  
一千一百餘石于宜府宣德六年至十年亦  
行之其山西稅糧歲止撥四十萬石或三十萬  
石赴宜府備用並無運送銀兩布絹其後宜府  
續添衛所官軍數多于是每年奏令糧戶齎價  
于松江等處收買布疋或遣人解銀准糴或出  
京庫絹准糴此皆權時制宜以足邊防之用也  
英宗嘗召內閣李賢謂之曰如今府庫錢糧所  
入者少所出者多且軍官俸錢每一季支銀十

三萬賢曰自古國家惟懼冗食今在京一衛官  
有二三千員可令兵部將不任者漸調出外  
衛却以軍補其缺庶省冗費英宗曰此時  
恐難行賢曰安安靜行之使其不覺安土重遷  
人情之常若然行之必紛紛勞擾徒使怨朝  
廷卒亦不可行也成化間戶部覆甘肅巡撫  
朱有文奏言邊儲虧折非獨甘肅爲然如遼東  
大同諸處往往事覺盤窵未報大抵糧儲乃生  
民膏血而邊防險遠類難悉致其間侵盜之徒

率多延緩以覲脫免。今定爲通制。凡盜匪多者。監追克軍四倍其數。無問官吏雖宥不赦。如此則糴不重費。人知謹守。疏上。詔如議。十四年。巡撫寧夏都御史賈俊奏。邊儲無措。請開納銀十三道御史言。堂堂大朝。富有四海。供諭貢入不可數計。使能量入爲出。用一省百則過儲。何患不克。軍需何患不足。而爲此賁宮滿府之事。伏乞痛革前弊。別爲經久常行之務。使邊儲不乏。名器不濫。舊章不紊。異議不生。疏上。

憲宗曰漢文帝從晁錯解邊之策令民納粟拜爵後人惜其作備邊者有司以乏邊儲又議納銀後世其將謂何御史所言是也互一切罷之勿行

孝宗弘治十年冬虜火篩強結諸部落迭寇大同宣府歸正人言虜謀深入乃勅

侍郎許進督軍到大夏轉餉禦虜時北邊倉場

告乏大夏受命行尚書周經謂口北邊糧草

半屬京中貴人子經營公素不與此輩合此行

恐不免剛以取禍大夏曰處天下事以理不以



勢定天下事。在近不在遠。俟至彼圖之既至。召  
邊上父老。日夕講究。遂得其要領。一日揭榜通  
衢云。某倉缺糧幾千石。每石給官價若干。封圻  
內外官民客商之家。但願告報者。米自十石以  
上。艸自百束以上。俱准告報。雖中貴子弟。不禁也。  
不兩月。倉場蓄積有餘。蓋往時糴買法有來告  
糧百千石。草千萬束者。方准以致中貴子弟各  
爭爲市。乃轉買邊上軍民糧草。陸續運至。自此  
法立有糧草者。皆自往告報。中貴人家卽欲收

糴無處得買于是倉塲有餘積私家有餘財遂  
爲邊儲之長利云國初天下鹽課俱于各邊  
關中上納本色米豆商人欲求鹽利于近邊轉  
運本色以待關中故邊防粟豆無甚貴之時先  
是五年戶部尚書葉淇淮安人鹽商皆其親識  
因與淇言鹽商赴邊納糧價少而有遠涉之虞  
在邊司納銀價多而得易辦之利淇然之內閣  
徐溥淇同年最厚淇遂奏准商人引鹽悉輸銀  
戶部送太倉銀庫收貯分送各邊鹽銀積至一

百萬餘兩。人以爲利。而不知其壞舊法也。商人  
赴邊關中之法。遂廢。近邊米豆無人鬻。運價遂  
騰湧。邊儲自此整理愈難矣。時帝畱心邊計。  
一日問諸衛州卒。強可用否。大兵劉大夏曰。向  
者臣但言民窮而卒殆。有甚焉。何以作其銳。  
上曰。在衛有月糧。征戍有行糧。何乃窮。對曰。江  
南困轉漕。江北困京餼。它困又不止此耳。所謂  
月糧。行糧者。半與其帥。共之能無窮耶。正德  
二年。劉瑾擅政。恣行刻覈。一日以邊方糧草多。

弊令兵部奏差給事中御史查盤回奏內有糧  
粗粃草泔爛者墮矯旨逮繫各巡撫各管糧  
郎中下獄既至鎖杻差人押至所任地方勒令  
加倍賠償凡各商人納過糧草未給價銀皆沒  
官不給由是商賈困弊邊儲日乏四年因戶部  
奏送各邊年例銀兩瑾以爲祖宗朝無此例  
命戶部尚書顧佐查天順以來前年例銀數  
佐報以天順無此例瑾大怒曰此部官通同  
邊方共益內帑之明驗也悉追問罪與罷送銀

之例邊儲因是益缺蓋自成化間開設榆林衛巡撫余子俊增置城砦陝西民供不繼奏送江南折糧以補不足然初亦依江南原折例每米一石折銀二錢五分放支軍士其後大同等邊缺乏亦暫送銀補足數皆未有以萬計送者至弘治間戶部尚書葉淇奏改商人赴邊納糧中鹽之法令納銀運司解印分送各邊自此各省始有年例之銀多至數萬其實不過以補商人赴邊上納之數耳然送銀各邊而邊防米

價湧貴補糴艱難不如商人報中上納本色之  
猶爲得實益也今促革罷之儲邊安得不缺

嘉靖元年三月戶部言各邊草束俱不下數十

萬積之數年俱成黑壤宜行各邊查處上日

邊鎮糧草皆小民脂膏各官不恤民艱交通勢

豪多收草束費有用之財積無用之地年久浥

爛深爲可惜所司嚴覈濫收官員及議處支放

事宜以聞八月戶部覆奏宜大二鎮奏計糧

草上日邊方糧草皆小民脂膏寬一分民受

一分之賜積一分官有一分之用各該鎮巡官  
徒知奏討爲便不以計處爲先豈人臣體國之  
用今後俱樽節愛惜處置得宜勿復浪費境內  
閒田可墾悉查核召佃及他便利事宜詳計以  
聞久之甘肅巡撫陳九疇請發內帑銀募軍戶  
部言據九疇所稱本鎮官軍原額七萬有餘近  
年逃亡幾半夫逃軍旣衆則餘糧亦多宜卽以  
逃軍所餘之糧爲募軍月糧諸費

世宗深

然其言又戶部尚書潘潢因鎮巡官以召募新

軍數請加餉言國初各邊錢糧取辦民屯二  
種馬料取之採青牧放歲有常供未嘗告乏邇  
來民糧逋負屯種廢弛而動請內帑虛腹心以  
奉四肢非完策也乞行巡按御史先查各省起  
運錢糧各衛所屯田子粒別其積欠嚴限催徵  
是後會計歲用先儘民屯二糧開中鹽引及各  
稅課等項通融計算裒多益寡或非常蠲減方  
許奏發帑銀庶邊臣奏討之煩非所慮矣後薊  
遼總督許論奏密雲昌平二鎮年例餉金俱防



春用盡防秋仍用三十二萬有奇于是戶科給事中鄭茂言各邊錢糧虛糜之甚奏討之多莫有過于薊鎮者臣查嘉靖三十六年邊餉客雲止八九萬今三四十萬有奇昌平鎮止三五萬今四十萬有奇何前後懸絕如是夫春防小警爲費若此防秋何以加之諸邊效尤又何以應之論在鎮三年一卒未練而糧餉獨倍往昔豈無侵效之弊宜勅大臣風憲官赴邊計議較數歲之中酌爲定規庶邊臣不敢妄求司計

得有所執。

世宗是其言令。

而籍聽勘總。

理宜大糧餉侍郎霍冀等言奉

旨勘上薊鎮

客兵糧餉不敷之數言薊鎮主客錢糧自二十

九年而京運始發至三十九年而額數愈增如

薊州主兵年例不過六七萬今則十四五萬矣

客兵不過十數萬今則三十萬矣密雲主兵年

例不過二三萬今則七八萬矣客兵不過八九

萬今則二十二三萬矣蓋緣往時薊鎮主客止

四五路今則增爲十區而副叅遊守增添數倍

矣。往時未有客兵。俱主兵調遣。今則山陝遠保。分番征調矣。往者在邊。止于防秋。今則戍守無虛月。無虛歲矣。此年例之所以愈增而愈不足也。國初九邊舊無客兵。止有主兵。歲派民運屯鹽。足以自給。後因民運多通屯鹽。漸弛。又客兵調遣不常。遂致奏討數多。中間靡耗特甚。

世宗一日諭戶部曰。朕見諸邊疏請內帑。想初因急需。後遂援爲口實。豈無侵冒自私之弊。今後必慎度以給時。大詔廷臣議理財事有

奏言頃者邊疆多警或廣召募或增營堡額派錢糧支費不敷不得不仰給于京儲然考

嘉靖十八年各邊歲發僅及五十九萬今且增至二百三十餘萬蓋或無故調遣或假名按伏因而乾沒其費不貲司計者將何以應之空行各督撫官親詣各城從實揀選汰其老弱虛冒以還先年主兵原額諸所新設營壘查非要害盡當隨省併報曰近年邊餉侵冒多端各督撫官正已率屬厘革積弊違聽部臣并該科叅

治大哉王言夫何未聞奉行之實效耶由是言之夫糧餉所以匱乏者豈真士馬靡費然哉制帥不得其人百計措克婪鄙者以克糞橐奔兢者以市轉遷士饑寒而不恤馬玄黃而不顧含憤積怨上下爲仇一夫作難而衆怒從之首惡不殲則後尤益效內交不固則外侮橫侵亦勢所必至無足怪者然制帥之所以敢爲措克者豈其心獨無廉恕乎哉命懸中朝榮辱生死惴惴臨之自非深結主知不藉調護者安得不納

託要津聊以保位而免禍也蓋聞之出疆而遂  
事者大夫之義也分關而專征者將軍之體也  
李牧守鴈門而市租之入悉供幕府廉頗爲趙  
將偏仰賞罰咸自取裁用能展布其力然率義  
勇以捍疆圉通今則不然邊帥半出樞門部使  
告操文治告變欲上先具副封關議雖佳必從  
中覆苟冰山可倚則喪敗亦掩若萍跡無依雖  
凱捷不錄如此則邊帥安得不通賂于中朝哉  
通賂不足必格克以益之是以邊儲易虧而上

怨易起且 祖宗立法經畧周詳雅知轉運之  
不足○以○給○軍○需○也○是○以○闢○屯○田○賦○子○粒○以○省○轉  
漕○懸○鹽○引○之○例○寬○其○法○比○厚○償○而○薄○徵○以○代○飛  
輓○脫○有○烽○塵○之○警○以○片○札○出○都○門○號○召○富○人○走  
芻○粟○以○寔○塞○下○卽○百○萬○之○儲○什○已○三○四○况○乎○鹽  
引○之○例○泥○滯○不○行○其○費○昔○日○驅○輸○之○才○剝○削○錙  
銖○以○要○聲○譽○立○勸○借○之○目○以○重○困○商○人○喪○其○資  
斧○使○人○撻○手○而○不○敢○爲○以○致○一○切○軍○儲○仰○給○太  
倉○此○以○內○帑○然○且○不○足○烏○知○所○謂○經○國○之○遠○猷○

哉。故曰：明核米鹽者，可以治三家之市，不可以  
長五都稱薪而爨數粒，而炊者可以食八口之  
家。難以飫三軍之士，何則？小大異謀，取舍之分  
不可淆也。夫士怨既起，則主令不行，制帥不得  
其人，則鎖鑰不固。此則邊脩之大可憂者也。議  
者歛此不談，而區區然繕城堡，利器械，習騎射，  
規烽堠，數功級，以爲大務，是之忘本而圖末，不  
能砥疾膏肓而姑問無名指之屈伸也。

穆

宗卽位，嘗問戶部九邊年例軍餉，本倉歲發及



各省辨納之數尚書劉體乾言 國初邊制

祖宗朝止遼東大同宣府延綏四鎮繼以寧夏  
甘肅薊州爲七又繼以固原山西爲九今密雲  
昌平易州俱列戍矣其防守士馬各鎮原自有  
主兵一鎮之兵足以守一鎮之地後主兵不可  
守增以募兵募兵不已增以客兵調集多于往  
時而坐食者愈衆矣其合用芻糧各鎮原自有  
屯田一軍之用足以贍一軍之用後屯糧不足  
加以民糧民糧不足加以鹽糧鹽糧不足加以

京運饋餉溢于常額而橫費者滋甚矣府庫空  
而國計日詘田野耗而民力不支今日缺乏之  
故供邊之費固其大者因以元年至三年太倉  
及各省歲發兵餉與本鎮屯糧之數備呈上  
覽因下詔切責焉時又有奏言國家衆建

衛所棋列中外除錦衣等衛其在外衛所通計  
額軍三百一十三萬八千三百而武官之數不  
與焉其始軍無缺伍糧有定額而食常足今中  
外馬步官軍大約止可八十四萬有奇而糧餉

積欠兵益少而餉益乏。乞勅戶部清查原設衛所官軍糧餉登耗之數及會筭原額餉運存留錢糧造冊與撫按官查理則天下之額餉可清矣。時戶部議邊費有欲節陝西邊費者都御史王崇古言各邊之增費大都在薊鎮十七在宜大遼東山西十二而陝西通計四鎮歲額止當薊鎮之半其來自延綏黃甫川西抵甘肅嘉峪關西南抵洮岷遠接四川松茂延長數千里各鎮兵馬總計兵二十餘萬馬十餘萬匹以分

守紆遠之邊無所不寡南番北虜四時戎備一  
歲芻糧數百萬計除京運外皆取足民屯鹽糧  
視他鎮半請帑銀者不同今當于其費之多者  
查議節省不宜復于少者而仍計減削以重苦  
之也時御史馬明謨請復屯鹽之舊言祖宗  
時邊備振舉虜不敢深入富商得以私財募人  
開墾塞下輸納鹽糧故當時公私饒裕不籍內  
帑而給今諸邊苦虜塞下無可耕之田乃議發  
帑夫內帑國計所關以天下供京師其勢顧

以○內○帑○供○四○方○其○勢○逆○乞○勅○重○臣○分○理○屯○鹽○之○利○使○地○利○盡○而○商○賈○通○則○邊○餉○有○裨○國○儲○可○裕○矣○

陳建曰昔人之言曰有功不賞有罪不誅雖唐虞不能爲理信哉斯言而制兵爲尤嚴書曰用命賞于祖不用命罰于社予則拏戮女蓋其嚴也先朝敗軍法重故邊臣知畏而地方少事今失機而舊將晏然不罪擁旌旄自若也先朝軍機法重故邊臣不敢爲欺欺蔽者死今任

情規避掩敗冒功自若也本陣亡也曰回營身故本敗失也曰走死官馬死者含冤而不蒙恩生者憤懣而無從訴甚且有殺掠數萬陷沒連城而不以聞者矣先朝嚴勦殺之令嚴逗遛避敵之誅近年虜小入則小利大入則大利避將息鼓偃旗或東或西一不敢當虜而隨尾其後俟其志欲克滿整暇而歸則舉所畧老羸孱弱不能行者視為棄核而啗我我則因之以爲利掩之以爲功張皇獻俘上之闕下不知其

所得者率吾之編氓與其老耄嬰孺也豈不重  
傷天地之和而遺醜虜之笑哉夫兵先制制定  
而後士衆不亂士衆不亂而後刑賞明刑賞明  
而後衆志可齊一也兵志曰卒畏將而不畏敵  
國家自設有邊門而來語兵甲士馬之盛必曰  
大同大同自頃鎮巡失于撫馭以致其背逆而  
前後所遣清功勦罪諸臣觀望姑息所措置又  
未能大服其心前此撫臣傳令下操雖不能必  
其如期然猶未嘗不操驅之出戰雖不能必其

致死然猶未嘗不戰邇來教場鞠爲蓬蒿金鼓  
幾于絕響每邊警交馳烽火四照將或躬先出  
城悍夫驕卒方擁抱其愛子童孫熟寐以寢稍  
稍繩縛則羣起而呼脫巾而詬則是朝廷賞  
罰不能嚴之于將帥將帥號令不能行之于士  
卒禁錮嚴密于嚴廊之上而法紀濶畧于邊境  
之間豈不大可爲痛哭也哉然此自其賞罰非  
法者言之也法賞以首級論功將以亡失士伍  
爲罪承沿而莫之改夫兩軍相薄當格鬪時手



眼○瞬○息○不○得○差○池○初○何○暇○取○級○哉○取○級○則○不○能○  
復○戰○而○爲○敵○所○乘○也○必○矣○故○取○級○者○非○必○殺○賊○  
殺○賊○者○固○未○有○暇○于○取○級○者○也○又○往○往○以○爭○級○  
躁○踐○爲○敵○敗○而○所○取○者○級○又○獨○尸○勢○要○資○且○所○  
取○者○非○殺○已○降○則○殺○良○民○不○然○則○得○被○擄○逃○回○  
而○名○殺○之○也○夫○斬○真○賊○甚○難○而○賊○良○民○甚○易○故○  
今○真○功○不○一○二○而○冒○功○恒○八○九○官○見○其○獲○功○輒○  
喜○而○何○暇○復○辨○其○真○與○僞○也○律○殺○一○家○三○人○者○  
凌○遲○處○死○極○罪○也○今○妄○殺○三○功○卽○得○官○世○襲○極○

賞也以極賞而加之極罪之人于命討胥失之  
矣此邊之人大恨戰之大患也夫戰不正勝期  
于致死其常也能戰足多矣况兩軍對壘殺傷  
相當足自暴白乎今我軍被殺則指名可驗彼  
之人不能取級則不得論功覆以其罪罪之戰  
而卒五人死者將謫戍虜入境殺十名以上不  
報者止降級此趨之退自保而延寇入也故今  
邊將以退縮保守爲得策墩堡殘破人畜屠掠  
惟上下相隱以避文謂宜更賞罰之格嚴懲惡

之罪兩軍交鋒而殺傷相抵卽無級不坐而特  
深擁衆退縮縱賊不擊之誅其戰勝論功止憑  
督撫查審衆證孰爲設策孰爲選鋒孰爲陣亡  
卽與給賞其三次設策首鋒擊斬數人而上勇  
力出衆者保陞而隱隱冒功賞者卽重臣不貸  
庶賞罰當而人心思奮武官之濫冗亦從可革  
矣然其本在重人今諸邊巡撫提數十萬師專  
生殺于境上至重矣謂宜慎選忠勇謀畧爲天  
下共推者以克可也而今所擢用柄臣親昵者

避之勿推矣○登崇日久者○重之勿推矣○每遇員  
缺○或取諸踈遠○或取諸廢閒○而推之○其心以爲  
彼○在○廢○閒○在○踈○遠○而○吾○舉○是○以○投○之○彼○無○所○歸  
怨○而○在○廢○閒○踈○遠○者○亦○喜○高○官○大○任○之○已○及○也  
將○命○而○往○苟○幸○于○無○事○比○至○鎮○則○動○從○中○制○賞  
罰○不○能○自○決○繕○修○不○能○自○制○芻○糧○不○能○自○給○而  
攻○守○不○能○自○調○也○倏○然○欲○行○忽○然○報○罷○倏○勒○之  
戰○又○忽○責○之○退○也○甚○乃○擿○決○小○疵○以○轉○相○繩○責  
夫○請○糧○請○兵○本○爲○誰○計○徬○皇○求○哀○延○頸○企○踵○而

內之應之者晏然不我屑已也故爲督府認認  
然結疑慮之懷而操惓事之念獨日夜拮据日  
夜鑽刺圖所以移徙遷陟而逞恤其他彼其視  
地方曾還廬火宅之弗若而何暇展四體竭一  
心勞來安集爲國家計無窮之畫耶無怪乎  
紀綱日壞邊防日隳驕伍日橫夷狄日肆而後  
來者愈難乎其自處也請自今巡撫缺自科道  
部屬而上外及于藩臬鎮守惟其才毋格以資  
毋以貴近而不敢推毋以疏遠而不得推如宋

推○范○仲○淹○主○西○富○弼○主○北○極○一○時○之○選○如○是○而○  
假○以○使○宜○豐○其○祿○入○使○得○以○募○死○士○養○家○丁○而○  
久○其○秩○任○非○任○十○年○不○得○遷○有○功○則○加○秩○賜○金○  
以○厚○慰○其○意○而○又○戒○言○官○毋○妄○糾○論○以○壞○其○成○  
此○重○督○府○之○道○也○今○諸○邊○總○兵○握○數○十○萬○師○爲○  
國○家○扞○衛○必○丁○公○侯○伯○都○指○揮○等○官○內○推○舉○以○  
克○又○至○重○任○矣○而○差○文○武○大○臣○一○員○閱○實○之○又○  
差○御○史○二○員○巡○視○之○然○閱○實○巡○視○而○止○猶○可○言○  
也○後○設○巡○撫○矣○又○設○贊○理○軍○務○矣○已○又○設○總○督○

都御史矣而查勘功罪又屬之巡按而巡按又  
有隨營紀功監軍之文于是爲總兵者上自總  
督巡視逮于御史兵備監軍無不得而控制之  
也賊至調度巡撫檄之東巡按檄之西矣或機  
當戰檄之守機當守檄之戰矣機當預布瑄裁  
于前檄之合力追勦于後矣報上兵部兵部題  
請兵科亦題請武兵已東而調之西或兵旣西  
而調之東世久承平右縉紳而左介冑徒以其  
文墨議論求多于封疆之臣其在外藩非旬月

不達卽有失利。庶幾桑榆諸邊密邇京師。且發夕至。一有風聞。廷議洶洶。旣從而撥置之。又從而誦病之。卽有衛霍何以自堅。卽孟明俘囚李牧入保。又何以自免。此將官所由解體也。夫督撫職掌不過調度。原無提兵殺賊之文也。巡按職掌不過監軍紀功。原無調遣之文也。兵部雖得調遣。實爲懸度。緩不及事也。兵機倏忽一刻萬變。乃欲以遲度之智。中制之權。紛亂其聽聞。而誰與任之。古者軍在外。君命有所不受。請



自○今○總○兵○缺○于○指○揮○而○上○及○叅○將○慎○選○之○惟○其○  
才○毋○格○以○資○重○其○事○權○假○以○禮○貌○久○其○責○任○督○  
其○練○兵○兵○部○總○督○臨○時○調○遣○之○責○其○戰○不○責○其○  
守○巡○按○不○許○調○遣○專○之○勘○事○紀○功○勘○事○紀○功○必○  
親○不○許○轉○委○兵○備○及○府○縣○官○如○此○則○兵○旣○厚○集○  
事○權○又○專○爲○總○兵○者○必○當○以○地○方○事○爲○已○事○以○  
軍○士○命○爲○已○命○以○戰○爲○歸○以○死○爲○生○以○破○虜○爲○  
事○其○有○當○敵○不○戰○則○必○以○逗○遯○觀○望○之○罪○罪○之○  
此○重○總○兵○之○道○也○今○議○過○者○孰○不○曰○練○邊○軍○而○

當事者輒稱無兵可練臣愚以爲非無兵也兵  
不得所以分合之勢散而不聚也兵家之勝不  
可先傳計利以聽乃爲之勢以佐其外散而不  
集則力自屈法忌之矣 國家僻遼東起遼陽  
西至甘肅十鎮官兵不減百萬今卽虛耗尚六  
十餘萬若聚此六十萬衆訓練之三年五年寧  
當憂虜哉而此六十萬者散在九邊以一鎮言  
止五六萬有奇則此六十萬衆十分之矣一鎮  
之中門營城塞不下三十餘處總副叅遊提調

官不下百員各從分之而一應防守坐墩哨報  
俱在是則此五六萬衆又零分之矣勢分而不  
聚則雖以六十萬衆全副一鎮暴師費財無所  
用之况素所不教之人分數不明先後不相及  
衆寡不相持貴賤不相收雖有兵與無兵同故  
海防之弊莫敝于擺海邊防之壞莫壞于擺邊  
何也散而不聚也且該鎮之兵其強壯者必先  
儘總督爲之奉次巡撫次兵備次總兵次叅遊  
是督府哨下之兵必精壯而不過擁以自守也

其○叅○遊○衝○鋒○殺○賊○之○兵○則○三○選○之○餘○斯○非○以○我○  
下○騎○當○敵○上○騎○平○臣○以○爲○每○一○鎮○宜○合○一○鎮○所○  
轄○之○兵○量○閒○兵○百○名○爲○督○府○衛○餘○皆○聚○于○一○處○  
擇○一○總○兵○官○久○任○而○聚○教○之○分○擇○裨○將○教○以○車○  
戰○步○戰○騎○戰○更○番○練○訓○三○年○乃○議○戰○戰○則○以○車○  
拒○敵○以○步○應○敵○敵○少○卻○則○以○其○騎○卒○馳○之○其○哨○  
守○探○報○皆○于○營○中○輪○番○差○遣○務○使○上○有○必○勝○之○  
將○下○有○無○敵○之○兵○比○三○五○年○于○是○連○十○鎮○之○兵○  
爲○搗○巢○之○計○令○其○大○創○不○敢○側○目○而○南○視○斯○練○

邊軍策之道也。其次莫如練土著。練土著則必捐燕代二方以迫之。今永平全被虜患矣。順天亦半之矣。設賊由居庸出薊州則永平孤失。永平則都城斷臂矣。屯昌平則都城扼背矣。臣愚以爲不如令永平一府之糧稅差徭盡輸之府。擇一武畧之臣任將帥者守其郡。揀其精壯。依民壯法編隊伍而練教之。又申保甲之法于農隙。擇有力者爲保長。令各備器械具糗糧團練于其鄉。一有警則練兵爲先鋒而保甲爲聲援。

虜至擊之。不使得利。將一府之民以防虜。防其家盜。以殺賊。殺其私讐。未有不濟者也。在朝廷以主府之糧。差養一府之兵。卒以捍四方。安無不可行之。永平而效。則山西之蔚石沿邊之州縣。俱以此法行之。則家自爲戰。人自爲守。之道也。臣聞虜初入時。雖邊兵精銳。不能當及分投搶擄。則鄉人得而捕之。若行令鄉人能捕一賊者。賞百金。或照軍功受職。則鄉人有不以殺賊爲利者乎。徵兵滿萬。不如召募數千。誠確信。

也。通議雖詳。要之以廟勝爲本。